

卷四

疆域
敘水
坊鄉

臨海縣志稿第三冊

臨海縣志稿卷之四

疆域

叙水

江

靈江 江環城而東舊有赤城地靈江水之謠卽此水也上源有

二南源曰永安溪出仙居縣西南山

源出永嘉界烏嶺冷水坑山按齊召南水道提綱省

作坑山

東北曲流經仙居縣治南曰大溪又東北至白水洋南

按

道提綱南譌北

經象坎渡入境又東黃沙溪自北注之

出界嶺龍潭山

又東少

南芳溪自東南注之

出括蒼山之懸特山

又東至城西北會天台溪曰臨

海江

海潮至此故名臨海

亦曰三江

按浙江通志臨海江誤作雙江

北源曰始豐溪出天

台縣西南山

源出東陽縣大盆山至柴嶺坑入天台境

東迤北流經天台縣治南折

東南至杜潭嶺麓入境又南曲東經中渡大石溪自東注之

出閩

邱山

又曲曲南流會於三江潮汐至此止故其流溪清而江濁中

有一所名陳婆坳泓水極清巨潮澎湃不爲動舊以此水釀酒

有靈江風月之名二水既合又東南經縣治南曰靈江又東東

湖水自城東注之又東北義城港

按會典圖說城作成

源出縣西南山東

北流

出黃巖界義城嶺按會典圖說作東北山西南流東北西南互譌嚴樹森一統輿圖從之而誤水道提綱省義城溪

而載大田港與今圖合

來注之又東北折東南大田港源出縣東北山西

南流

出洞巖山受黃肚溪西溪東溪中沙溪圳溪周家溪柘溪雙橋諸水

合邵家渡港

卽規橋港出大羅山

受小芝溪小溪雲溪寨溪南塢溪洋梵溪灘溪潮滌溪琅溪諸水

來會於雙江口又東南曲流

至三江口黃巖縣永甯江

源出西南山大橫溪按水道提綱作出塵山會典圖說另載大橫溪出黃

巖縣東北境東北流折東南入於海董裕誠一統輿圖從之而譌黃巖志大橫溪卽永甯江上源宜合於一水

自西南

來會是曰椒江

卽海門江

去縣一百里江闊舊二十餘里今漸漲狹

僅五里餘又東經家子鎮北章安鎮南回浦水自東北注之

回浦

一曰章安浦一曰東邏浦東北又播爲六浦曰淘江礁下松浦塗下三石推船溝以次東南入海

又東經海門

鎮城北前所寨城南兩城對峙爲明信國公湯和所築至牛頭

頸北麓小圓山南麓兩山對鎖是爲海門入於海

鋪壩江 在縣東百一十里海鄉源出長大山北流經花橋鎮東

北曰花橋港又東而南經仙巖南曰仙巖港又東南經鋪壩渡

曰鋪壩江又東經大域營南其海口有牛頭白岱兩門東則經

牛頭門入海東南則經白岱門入海

桃渚港洞港二水 在縣東桃渚寨城前後桃渚港出芙蓉峯東
流經桃渚城東南出新閘雉溪武坑二水自西來會亦曰前港
又東過舊城山之北經青唐門入於海洞港亦曰後港出山場
嶺東南流又東曲流泗淋水自西北來合出大雄嶺又東經朱門入
於海

河

城河

赤城志作州河
洪志作縣河

在城中舊有三河曰清漣曰新澤曰清水

可以通舟往來此唐時故河道也赤城志已云今皆汙塞涓流
而已赤城志州河記云按舊經源始平橋平橋始自石佛寺後

山流於栢蒼門後頗湮塞自栢蒼門衍於州南橋東北流至東

橋並棲霞宮又東北流越悟眞橋觀橋疏而爲二一南流至都

酒務後凡白塔橋尼巷

卽今若齊巷

之水皆入焉又東則入楊柳巷

出寶成巷水門一東流直出都米倉前

卽今舊倉頭

稍南復東出崇

和門水門餘水南流亦會於寶成巷自餘兜率六通

案赤城志甯國院在

州東二里舊名六通洪志作會通誤

一帶之水又出小固山水門今城中河道故

迹大略如此東城三水門猶存惟羅城圖所載與記不合圖無

白塔橋尼巷之水又都酒務後之水不記所出都米倉前不記

南流寶成巷北有狀元池極大一支從寶成巷斗門出一支又

從下斗門出今惟小固山南有斗門以出兜率六通之水小固

山北別無斗門可以當此疑羅城圖所繪猶是乾道前舊本也

台州札記

先是城中水自栢蒼門疏而之東南匯於崇和門有池積

水號廣惠渠自錢氏歸宋堙爲平陸每霖雨則內水堙阻洪潮
溢迸城邑飄蕩相繼宋慶歷時郡守元絳始開鑿通舟建石梁
十處以渡車馬歲久居人櫛比淤塞不惟舟不得通而車馬之
路亦轉側無所容又按唐許渾有陪鄭使君泛舟晚歸詩云南
郭望歸處郡樓高捲簾平橋低皂蓋曲岸轉丹檐似此則郡通
舟楫唐時已然宋特增鑿之爾今皆涓流淺河水從陡門出不
致泛濫而已又宋天禧中通判辛若濟以郡泉污涸郡釀不給
自東北山流瀑斲石爲槽注入元妙觀

案明一統志元妙觀在府治東北一里唐曰紫

極宮宋爲天慶
觀元改今名

西南爲一圓井又三百六十步爲一方池自池
一百四十三步以達於都酒務人賴其用號辛渠當時有歌曰
辛渠之水來源十里其易若何如臂使指澇亦不污旱亦不止
職方有圖千齡萬禩歲久池堙獨石槽略有存者今絕無其跡

洪志

港口河 自黃巖鷺橋曲流入境至三港口通小船運載

海門新河 太平黃巖二縣河道舊至海門岢崦嶺止行旅貨物

俱登陸達海門岢崦以上別有河通葭沚故葭沚商務甲於臨

海非海門所能及也清光緒二十四年間海門已通商輪於是

紳商王夢蘭蔡霖等稟請郭守式昌翁令長森開新河經府縣

親勘興工海門鎮余朝貴派兵助濬劉中軍捐銀四百圓爲倡
乃相度地勢按畝捐錢集銀一萬圓充經費始成河與岢崐通
其新道自下洋鄭繞沙門至海門新道頭止長五里工竣後商
旅甚便商務遂駸駸矣

海

大海 在縣東一百八十里朝汐自海門直至縣西三江與天台
仙居二水相接宋洪邁志東海中有尾閭與海門馬筋相值自
高山望之其水湍急陷爲大渦十餘舟楫不可近舊傳東海洩
水處南由黃巖太平達溫州北由甯海達甯波

府志

附潮候

海門潮長時候云寅寅卯卯辰辰巳巳子子子丑丑寅寅靈江

遲海門半時諺有云月上山潮到馬頭山言月上潮長也每月

兩水初一十六日同每日兩潮長三時潮平退三時潮澤翻長

三時平退三時澤晝夜同寅申時同

按澤係方言台人謂潮落盡爲澤

海門關外潮平時候云初一十五雞啼長巳亥平爲大水

寅申長

初三十八日晝平

卯酉長

初五二十下岸天光澤

辰戌長下岸潮漸小小至小水

初八廿三晚哦平爲小水

巳亥長在月上下弦

初十廿五起水兩頭平

子午

長起水潮漸大大至大水

十三當廿七潮平日頭出潮平日頭沒

子午長

廿九

十四正同黑換潮水

丑未長

大海潮候月上潮長半月落潮長半月春光潮趕月

潮先月上

冬天月

趕潮

月先
潮至

港

大田港 在縣東二十里受東溪西溪圳溪柘溪諸水西南過少

兩山入靈江通舟楫

邵家渡港 在縣東二十里亦曰規橋港受小芝溪雲溪寨溪灘

溪琅溪諸水過規西合大田港入靈江

義城港 在縣南義城鄉源自檣溪小溪二水至灰爐頭合流成

港有潮候通舟楫東北流過三洞橋至兩水入靈江

瀆

杜瀆 在縣東一百二十里承恩鄉海水漲入溝澮遂成瀆廣

袤二三里溉田百餘頃民甚利焉

府志

按杜瀆舊在石柱山側台

州外書云宋姚寬嘗爲杜瀆場監

在北監

杜瀆場之側有石柱山

甚奇下皆煎鹽所去章安不遠寬有海門南望天侵水正值金

鼇駐蹕山之句

按浙江通志雍正七年督臣李衛檄台州知府江承玠開濬并築堤以禦鹹潮修建七閘以爲

蓄洩曰輕盈曰三石曰塗下曰嵩浦曰西浦曰竹嶼曰推船溝由是千頃沙磧斥鹵之地俱成沃壤總名杜瀆河是今杜瀆場之三

溝六浦非

舊杜瀆也

沸瀆

按臨海記在城南門中有沸水方三尺孫皓時奚熙受刑

於此其後水嘗沸人疑其冤

赤城志

浦

回浦

在縣東南章安鎮漢回浦縣三面回浦故名

洪志古蹟案赤城志紀遺

云回浦在縣東南一百一十九里祥符寺前後漢志章安本名回浦今卽其地

一日東邏浦一日章安

浦有義嶺白石二源流入椒江

六浦

卽杜瀆場河

在縣東南瀕海明初蔡民玉加濬曰淘江浦礁下

浦松浦塗下浦三石浦推船溝浦縱橫交流以次東南入於海
雍正間總督李衛重開杜瀆場河記云臨海東鄙海濱海岸朗
銀鼠嶼兩山相距四十里中有河道民享其利

柵浦

亦名柵川

在縣東南七十八里

湖

東湖

在崇和門外三十步初爲船場水軍營蓋端拱二年張守

蔚所建也景祐中運使段少連廢船場歸溫明二州嘉祐中徐

守億徙水軍營入城熙甯四年錢守暄始開爲湖時方纍石修城以水至漂溢故鑿湖以受衆水且以其土隄城之東絕後患焉度其地凡一萬六千步中有堂曰共樂堂之前有亭曰流盃皆址於湖心水光山色涵映虛曠爲春夏行樂之冠

赤城志

慶元

三年郡守劉坦之改堂名知樂明宏治丁巳郡守陳相改亭名

薰風嗣湖坊爲田萬歷甲申御史范鳴謙按台檄郡守張會宗

邑令周孔教重濬之

府志

湖水舊有小港循城而南至交禮橋與

靈江通久塞崇禎時邑令周壽明捐資挑濬未幾復塞今堂與

亭俱久廢清康熙間郡守鮑復泰重建湖心亭流盃亭浣月亭

及樵雲樓前爲湖山寺

卽今東湖書院

最後爲樵夫祠

洪志

同治間劉守

墩重加挑濬

宋通判張翥詩云解慍熏風拂面涼藕花極目送
清香三千宮女青羅蓋都作酡顏酒暈粧蜀錦誰

將到海涯水仙鋪作地行衣回隄卻

是元霄路拋擲紅燈戴月歸

錢守暄題共樂堂云疏就湖山秀氣濃花林茂列景爭雄管絃

交奏客歡合臺榭競澄人喜同環障鷺行飛早晚平波魚陣躍西

東荒蕪芟去成佳致換得汀洲月與風

汪泌題云臨海城東湖

氣象清且奇無風綠色淨十頃澄玻璃中有共樂堂今其名者誰

人有答我問太守下車時訪民所疾苦民曰水最危其水或暴至

城壞民流尸公謀得上策疊石金城基外遺數百家室屋鱗參差

水至無所障適與漂溺期又欲隄其東苦乏土石資開湖足取用

隄勢橫虹霓湖先占空闊物從鑑中窺紫翠前後山環列如屏帷

結堂就虛曠與俗同游嬉太守宴堂上游人歌水湄歌云從公來

除患補瘡痍况有此壯觀不樂何以爲有如登春臺人心舉熙熙

從事能文者作辭書之碑庶其功不朽上徹堯軒墀柳安道題

云平波數頃萬峯前一片丹青畫不全幽榭小橋橫翠水茂林修

竹鎖輕烟綺羅絃管追歡地雪月風花爛醉天爭奈及瓜歸覲去

湖山無復苦留連姚舜諧題云秀氣清陰滿目前仙瀛蓬閬景

都全綵舟畫楫魚噴浪綺席金鱸麝吐烟懽勝更思明月夜飲酣

惟恐夕陽天主人報政榮途近淮浙重游路接連曾守宏父懷

洪适題云東湖徑仄半蒼苔問訊紅蕖幾許開渺渺波光侵坐席

霏霏荷氣著尊疊片雲正爲詩情起
知健不頗思劇飲扣蓮盃又題東湖云三年領客醉東湖欲去
猶携竹裏廚誰解挽留狂太守風荷十頃翠相扶鮑守復泰午
日觀競渡詩云東湖名勝說當年水色山光處處妍
上座垂楊輕拂鏡中烟千秋剩有靈均賦午日空餘競渡船此會
羣公皆大雅筵前白雪盡新篇張守聯元詩云錦障城東分外
幽雙虹閒鎖小瀛洲劃開闌闌移仙島畫就湖山入寺樓曲徑披
風不覺暑清尊浣月最宜秋良時嘯咏增餘興擬補空明一葉舟

小鑑湖 在東湖北乾道中賀參政允中罷政寓此以唐賀知章

嘗請鑑湖一曲故以爲名有占春堂枕流漱石二亭今廢

赤城志

菰湖 在縣東一十五里

赤城志

仁湖 在縣東七十里

赤城志

章安湖 在縣南一百二十五里

赤城志

溪口湖 在縣東南一百三十里源出碧瀾溪

赤城志

疆域 敘水 八

高湖 在縣南九里近江吳太常卿高公察置 赤城志

破石湖 在縣西三里日山下 府志 故老云破石爲湖故名側有巨

石及古塔僧禪鑑嘗卓庵焉 赤城志 古謠云破石湖水穿出狀元

詳見彭公嶼

官市湖 在縣西三十五里 府志

道場湖 在縣西三十五里 洪志

溪

柘溪 在縣東二十二里 赤城志

中沙溪 在縣東三十五里接桐巖山 赤城志案府志作中沙湖

灘溪 在縣東四十五里 舊志俱作四十里 接三十六渡東連南奧西入